

# Matou te Talitonu i le Usitaia o Tulafono a le Malo i Le Mea o Loo Matou Nonofo Ai

Faitau le tulaga faataitai lenei.

O loo auauna atu Dalia i se misiona i se nofoaga o le a le faatagaina ai e le malo ona faasoa atu le talalelei i fafo atu o se falesa. Ua ia lagona le le fiafia ona ua ia iloa o loo i ai tagata i le aai o e o le a taliaina le talalelei a Iesu Keriso pe afai e mafai ona ia talanoa faaaliali e uiga i ai. O loo ia mafaufau e talanoa ma le faautauta atu i tagata i auala e aoao ai i latou e uiga i le Faaola.

- E faapefea ona e tali atu i lenei tulaga?

Faitau anomea nei, ma mafaufau pe faapefea ona latou fesoasoani ia Dalia ia malamalama i mea e finagalo le Tama Faalelagi na te faia.

Mataupu Faavae ma Feagaiga 58:21–22

Mataupu Faavae o le Faatuatua 1:12

1 Timoteo 2:1–3

Ina ia vaai pe na faapefea ona tali atu le Faaola i feteenaiga e ono tulai mai i le va o le malo ma le tapuaiga, faitau le Mataio 22:15–22 ma le saunoaga lenei a Peresitene Dallin H. Oaks o le Au Peresitene Sili:



E ui ina faaalologia e le au talitonu uma tulafono o le lagi, o le toatele foi e faapea mai o tulafono faalemalo e faauuina foi e le Atua. Sa faatonuina e le Alii o Iesu Keriso, 'O mea a Kaisara ia outou avatu ia Kaisara, a o mea a le Atua avatu ia i le Atua' (Mataio 22:21). O lea la na aoao mai, e tatau ia i tatou, i le mea e mafai ai, ona usitai i faatulagaga *uma e lua* o le tulafono. A oo ina i ai feteenaiga e aliae mai, e tatau ona tatou saili se auala ina ia usitaia ai tulafono uma e lua. A oo ina le mafai moni ona faaleleia, e ao ina tatou auai faatasi ma isi e tutusa o tatou mafaufau e taumafai e suia le tulafono faalemalo ina ia faatino ai le tulafono mai le lagi. I mea uma lava, e tatau ona tatou matuai faateete ae tatou te lei faia se tonu---i tulaga e sili ona le masani ai---e lafoai le tasi ae fai le isi. (Dallin H. Oaks, "The Boundary between Church and State" [lauga na fofogaina i le Second Annual Sacramento Court/Clergy Conference, Oke. 20, 2015], [newsroom.ChurchofJesusChrist.org](http://newsroom.ChurchofJesusChrist.org))

Tali fesili nei.

- O le a se mea na e aoaoina e mafai ona fesoasoani ia Dalia ia malamalama ai e tatau ona ia faamamaluina tulafono i le mea o loo ia auauna atu ai?
- Aisea e te manatu ai o le usitaia o le tulafono i le mea o loo e nofo ai o se mataupu faavae o le talalelei a Iesu Keriso?